

III. OUTRAS DISPOSICIÓNS

CONSELLERÍA DE CULTURA, EDUCACIÓN E ORDENACIÓN UNIVERSITARIA

RESOLUCIÓN do 30 de abril de 2015, da Dirección Xeral de Educación, Formación Profesional e Innovación Educativa, pola que se convoca a selección de centros para participar no proxecto Educación Dixital durante o curso 2015/16.

A Comunidade Autónoma de Galicia dispón dunha estratexia de incorporación das novas tecnoloxías ao proceso educativo en todos os seus ámbitos, o Proxecto Abalar, entroncada na súa estratexia xeral de incorporación de Galicia á sociedade da información e do coñecemento e nos seus programas transversais de desenvolvemento e promoción das tecnoloxías da información e a comunicación (TIC).

A incorporación das TIC á educación en xeral, e aos procesos de ensino-aprendizaxe, en particular, é xa unha realidade en Galicia, e móstrase como unha peza fundamental para producir o cambio metodolóxico que leve a conseguir o obxectivo dunha mellor calidade educativa. En efecto, os recursos dixitais non só fan accesibles os contidos necesarios para o proceso educativo nunha presentación distinta da tradicional, de libro a libro ou contido dixital, senón que proporcionan novas oportunidades para un maior desenvolvemento das competencias clave para o alumnado e para o desenvolvemento de novas metodoloxías docentes máis acordes coa transformación educativa en marcha.

O proxecto Educación Dixital trata de proporcionar aos centros educativos a posibilidade de presentar un proxecto integral para a incorporación de materiais dixitais en todas as materias de 5º e 6º de educación primaria e 1º de ESO, para isto dispoñerán do apoio da Administración en forma de provisión de materiais e libros dixitais, así como dunha contorna virtual de aprendizaxe que permita desenvolver todo o potencial e dea soporte ao proxecto. Ademais, contarán co apoio da Rede de formación permanente do profesorado e a supervisión da Inspección educativa.

O proxecto dirixese aos centros que están na Rede Abalar, centros cunha cultura dixital afianzada como parte do seu proxecto de centro, apoiado e coñecido pola comunidade educativa e, en especial polas familias, que se verán beneficiadas ademais co aforro en custos derivados dos materiais educativos. Por outra banda, posibilitarase o maior aproveitamento do equipamento das aulas dixitais do proxecto.

Ademais, séguese a traballar constantemente na ampliación do repositorio de contidos do espazo Abalar, que actualmente supera os 2.300 recursos, como opción para complementar o proxecto educativo dixital dos centros.



Co fin de convocar os centros ao proxecto experimental de educación dixital

RESOLVO:

Primeiro. *Obxecto*

Convocar e establecer as bases para a selección de centros educativos sostidos con fondos públicos da Comunidade Autónoma de Galicia que se incorporarán no curso 2015/16 ao proxecto Educación Dixital (E-DIXGAL).

Segundo. *O proxecto Educación Dixital*

O proxecto Educación Dixital (E-DIXGAL) ten como obxecto favorecer a incorporación xeneralizada das tecnoloxías da información e da comunicación (TIC) no desenvolvemento da actividade educativa, facilitando aos centros adscritos á Rede Abalar a dispoñibilidade de libros e outros materiais dixitais cos que poidan desenvolver o seu proxecto na totalidade do currículo de 5º de educación primaria e 1º de ESO no curso 2015/16, que se ampliará a outros cursos nos anos seguintes.

Os centros adscritos a este proxecto terán acceso a unha contorna virtual de aprendizaxe cos contidos gratuítos proporcionados pola Consellería de Cultura, Educación e Ordenación Universitaria. Os centros deberán utilizar, se é o caso, exclusivamente materiais dixitais na totalidade das materias, que poden proceder desta contorna e/ou pode proporcionarlos o centro.

Terceiro. *Destinatarios*

Poderán participar no procedemento de selección da presente convocatoria os centros educativos da Comunidade Autónoma de Galicia adscritos á Rede Abalar que impartan no curso 2015/16 ensinanzas de 5º de Educación primaria e/ou 1º de ESO.

Cuarto. *Requisitos e compromisos dos centros educativos*

1. Para que un centro poida participar neste proceso de selección é necesario que cumpra os seguintes requisitos:

a) Presentar un proxecto segundo o seguinte guión:

1) Introducción descritiva do contexto do centro.



- 2) Xustificación da solicitude.
- 3) Obxectivos.
- 4) Experiencia educativa coas TIC no centro.
- 5) Modelo organizativo e metodolóxico previsto para o desenvolvemento do proxecto e para garantir a súa continuidade.
- 6) Actividades de formación permanente (proxectos de formación ou innovación, seminarios, grupos de traballo, etcétera), e outras relacionadas coas TIC desenvolvidas no centro durante os últimos cinco anos.
- 7) Tipo de conexión á rede, indicando a súa velocidade de baixada nominal e real.
- 8) Procedemento de avaliación interna do desenvolvemento do proxecto, especificando os indicadores de logro vinculados aos obxectivos propostos.
- 9) Calquera información que se considere relevante e que poida ser tida en conta para a selección do centro.

b) Compromiso, asinado polo/a director/a do centro, de utilizar exclusivamente materiais dixitais en todas as áreas e grupos de 5º de educación primaria ou 1º de ESO durante o curso 2015/16 e nos cursos posteriores.

c) Propoñer unha persoa coordinadora do proxecto. En centros públicos debe ser funcionaria docente e preferentemente con destino definitivo no centro.

Valorarase a experiencia da persoa proposta no emprego e dinamización das TIC nos ámbitos:

- Participación, coordinación ou docencia en accións formativas.
- Traballo acreditado relacionado coa integración das TIC na educación (boas prácticas educativas, participación en proxectos que integren as TIC nas aulas, emprego de recursos educativos dixitais –contidos dixitais, aulas virtuais, actividades con software educativo, blogs, wikis, ...– nas aulas, participación activa en comunidades educativas na rede, elaboración de materiais dixitais, etcétera).



- Experiencia na coordinación de proxectos ou grupos de traballo.
- Participación en proxectos que integren metodoloxías didácticas innovadoras na educación.
- Premios relacionados coa integración das TIC na aula.
- Outra experiencia acreditable que se considere relevante en relación coa integración das TIC nas aulas

d) O centro deberá contar cunha conexión de datos cunha velocidade nominal mínima de baixada de 2 MBps.

Os centros que soliciten a participación no 1º curso de educación secundaria obrigatoria e foron seleccionados para participar no proxecto E-DIXGAL en 5º de educación primaria mediante a Resolución do 22 de abril de 2014 (DOG do 30 de abril), soamente deben entregar a solicitude de participación e o compromiso de utilización exclusiva de materiais dixitais a que se refire a letra b) deste punto.

2. Os centros educativos que sexan seleccionados mediante esta resolución deberá asumir, polo menos, os seguintes compromisos:

a) Desenvolver o programa segundo as pautas establecidas no proxecto presentado, que se incorporará ao proxecto educativo do centro, e impulsar a súa continuidade cando menos durante tres cursos escolares e en función da súa avaliación.

b) O centro, en colaboración coa Administración educativa, realizará unha adecuada divulgación da iniciativa entre toda a comunidade educativa, con especial incidencia no alumnado e nas familias, de xeito que se proporcione a información necesaria e se realice a adecuada sensibilización en relación con esta programa.

c) O centro realizará un seguimento periódico das actuacións previstas no programa, cando menos con carácter trimestral, e reflectirá documentalmente as circunstancias e os resultados acadados, segundo as indicacións que, se é o caso, estableza a Consellería de Cultura, Educación e Ordenación Universitaria.

d) O profesorado implicado e o equipo directivo, segundo corresponda, deberán participar nas actividades de formación vinculadas ao proxecto que se planifiquen tanto desde o centro como desde a Consellería de Cultura, Educación e Ordenación Universitaria.



e) O centro garantizará a participación activa da persoa coordinadora do proxecto e dalgún membro do equipo directivo nas reunións de traballo que desde a Administración educativa se establezan.

f) A comunidade educativa terá que participar activamente no deseño, aplicación e avaliación das actuacións previstas no programa.

g) Mantemento do programa durante dous cursos académicos:

– Curso 2015/16-5º de educación primaria e/ou 1º de ESO.

– Curso 2016/17-5º e 6º de educación primaria e/ou 1º e 2º de ESO. Durante este curso o centro poderá solicitar a continuidade no programa.

Quinto. *Actuacións da Administración educativa*

A Administración educativa desenvolverá nos centros seleccionados mediante a presente resolución as seguintes actuacións:

a. Asesoramento e apoio da Rede de formación permanente do profesorado da Consellería de Cultura, Educación e Ordenación Universitaria.

b. Asesoramento e asistencia técnica da Axencia para a Modernización Tecnolóxica de Galicia (Amtega).

c. Potenciación do traballo en rede dos centros docentes para o intercambio de coñecementos e experiencias.

d. Seguimento e apoio a través dos servizos de Inspección educativa.

e. Difusión das boas prácticas que se desenvolvan nos centros educativos.

Sexto. *Presentación de solicitudes, documentación e prazo de presentación*

1. Presentación de solicitudes:

As solicitudes deberán presentarse preferiblemente por vía electrónica a través do formulario normalizado dispoñible na sede electrónica da Xunta de Galicia, <https://sede.xunta.es>, de acordo co establecido nos artigos 27 da Lei 11/2007, do 22 de xuño, de acceso dos



cidadáns aos servizos públicos, e 24 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes. Para a presentación das solicitudes será necesario o documento nacional de identidade electrónico ou calquera dos certificados electrónicos recoñecidos pola sede electrónica da Xunta de Galicia.

Opcionalmente, tamén se poderán presentar as solicitudes en soporte papel en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común, utilizando o formulario normalizado dispoñible na sede electrónica da Xunta de Galicia.

2. Documentación que se deberá xuntar á solicitude de participación:

a) Proxecto no cal se concretará os aspectos para a implantación do proxecto E-DIXGAL durante o curso 2015/16, así como para a súa continuidade en cursos posteriores.

A documentación complementaria poderá presentarse electronicamente utilizando calquera procedemento de copia dixitalizada do documento orixinal. Neste caso, as copias dixitalizadas presentadas garantirán a fidelidade co orixinal baixo a responsabilidade da persoa solicitante ou representante. A Administración poderá requirir a exhibición do documento orixinal para o cotexo da copia electrónica presentada segundo o disposto nos artigos 35.2 da Lei 11/2007, do 22 de xuño, de acceso electrónico dos cidadáns aos servizos públicos, e 22.3 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

A documentación complementaria tamén poderá presentarse en formato papel en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

As copias dos documentos gozarán da mesma validez e eficacia que os seus orixinais sempre que exista constancia de que sexan auténticas.

Sempre que se realice a presentación de documentos separadamente da solicitude, a persoa interesada ou representante deberá mencionar o código e o órgano responsable do procedemento, o número de expediente e o número ou código único de rexistro.



3. Prazo de presentación:

O prazo de presentación de solicitudes será dun mes, contado desde o día seguinte ao da publicación da presente resolución no *Diario Oficial de Galicia*.

Sétimo. *Selección de centros*

1. Criterios de selección e número de centros:

a) A valoración das solicitudes presentadas realizarase tendo en conta os seguintes criterios:

1) Viabilidade do proxecto de centro: ata 50 puntos (ata 30 puntos de valoración do proxecto presentado e ata 20 puntos a experiencia previa).

2) Valoración do currículo e experiencia da persoa coordinadora: ata 30 puntos.

3) Grao de implicación da comunidade educativa manifestado por medio do apoio recibido por parte do claustro e do consello escolar: ata 20 puntos.

b) Seleccionaranse un máximo de 50 centros. Na selección de centros procurarase manter a proporcionalidade existente entre centros Abalar segundo a súa titularidade.

2. Comisión de selección:

A Consellería de Cultura, Educación e Ordenación Universitaria seleccionará os centros que se integrarán no proxecto Educación Dixital no curso 2015/16 mediante unha comisión coa seguinte composición:

– Presidente: o/a subdirector/a xeral de Ordenación e Innovación Educativa e Formación do Profesorado.

Vogais:

– Director/a da Área de Solucións Tecnolóxicas Sectoriais da Axencia para Modernización Tecnolóxica de Galicia (Amtega) ou persoa en quen delegue.

– Subdirector/a xeral de Centros ou persoa en quen delegue.



– Subdirector/a xeral de Inspección, Avaliación e Calidade do Sistema Educativo ou persoa en quen delegue.

– Un/unha xefe/a de servizo da Subdirección Xeral de Ordenación e Innovación Educativa e Formación do Profesorado.

– Un/unha xerente de Proxectos da Axencia para a Modernización Tecnolóxica de Galicia (Amtega).

– Unha persoa funcionaria da Dirección Xeral de Educación, Formación Profesional e Innovación Educativa, que desempeñara a función de secretario.

A comisión poderá dispoñer a constitución dunha subcomisión técnica especializada só para os efectos de colaborar na valoración dos aspectos técnicos que se lle encomenden.

Esta comisión rexerese polo previsto no Decreto 144/2001, do 7 de xuño.

3. Proceso de selección:

A comisión de selección, para os efectos dun mellor coñecemento e valoración das solicitudes, poderá realizar peticións de informes, por medio da Dirección Xeral de Educación, Formación Profesional e Innovación Educativa, á Inspección educativa ou aos técnicos da Consellería ou da Amtega.

A comisión procederá á valoración das solicitudes presentadas de conformidade cos criterios de selección establecidos no punto 1 e, no prazo máximo dun mes, que se computará a partir do día en que finalice o prazo de presentación das solicitudes, fará pública a resolución provisional, que se difundirá no portal educativo <http://www.edu.xunta.es/web>.

A exposición abrirá un prazo de dez días naturais para efectuar reclamacións ou renuncias. Transcorrido este prazo, unha vez estudadas e, se é o caso, atendidas as mencionadas reclamacións e renuncias, a comisión de selección elevará a proposta definitiva á persoa titular da Dirección Xeral de Educación, Formación Profesional e Innovación Educativa, que resolverá a relación final de centros seleccionados. A resolución definitiva dos centros seleccionados publicarase no portal educativo <http://www.edu.xunta.es/web> e no *Diario Oficial de Galicia*.

Contra esta resolución poderán interpoñer recurso de alzada ante a persoa titular da Consellería de Cultura, Educación e Ordenación Universitaria, no prazo dun mes contado



a partir do día seguinte ao da publicación no *Diario Oficial de Galicia*, de acordo co disposto nos artigos 107.1, 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, ou, directamente, recurso contencioso-administrativo, no prazo de dous meses, ante o Tribunal Superior de Xustiza de Galicia conforme os artigos 10, 14 e 46.1 da Lei 29/1998, do 13 de xullo, reguladora da xurisdición contencioso-administrativa.

As solicitudes consideraranse desestimadas de non quedar resolta a convocatoria no prazo de cinco meses desde a data de publicación desta orde.

Oitavo. *Avaliación*

A Consellería de Cultura, Educación e Ordenación Universitaria realizará un seguimento e avaliación da implantación e desenvolvemento do proxecto nos centros adscritos ao proxecto Educación Dixital.

O incumprimento das condicións e compromisos recollidos na presente resolución poderá ocasionar a exclusión do centro do proxecto.

Noveno. *Recoñecemento*

O profesorado participante no proxecto recibirá unha certificación de 20 horas con carácter de innovación educativa. No caso da persoa coordinadora do proxecto esta certificación será de 30 horas.

Décimo. *Difusión dos traballos*

A Consellería de Cultura, Educación e Ordenación Universitaria reserva para si o dereito de difundir os traballos e experiencias realizados no desenvolvemento do proxecto polos centros adscritos ao proxecto Educación Dixital.

Décimo primeiro. *Datos de carácter persoal*

De conformidade coa Lei orgánica 15/1999, do 13 de decembro, de protección de datos de carácter persoal, os datos persoais recollidos na tramitación desta disposición, cuxo tratamento e publicación autorizan as persoas interesadas mediante a presentación das solicitudes, serán incluídos nos ficheiros denominados «Alumnos» e «Profesores», cuxo obxecto é xestionar o presente procedemento, así como para informar as persoas interesadas sobre o seu desenvolvemento. O órgano responsable deste ficheiro é a Secretaría



Xeral Técnica. Os dereitos de acceso, rectificación, cancelación e oposición poderanse exercer ante a Secretaría Xeral Técnica, mediante o envío dunha comunicación ao seguinte enderezo: Consellería de Cultura, Educación e Ordenación Universitaria/Secretaría Xeral Técnica. Edificio Administrativo San Caetano, s/n, 15781 Santiago de Compostela (A Coruña), ou a través do correo electrónico sxoifp@xunta.es.

Décimo segundo. *Modelos normalizados*

A sede electrónica da Xunta de Galicia ten á disposición das persoas interesadas unha serie de modelos normalizados dos trámites máis comunmente utilizados na tramitación administrativa, que poderán ser presentados en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

Décimo terceiro. *Aceptación*

A participación neste procedemento supón a aceptación do disposto nesta resolución.

Décimo cuarto

Esta resolución entrará en vigor o día seguinte ao da súa publicación no *Diario Oficial de Galicia*.

Disposición adicional primeira

A selección do centro para participar no proxecto Educación Dixital pode dar lugar a cambio dos libros de texto segundo o punto 2 da Orde do 29 de maio de 2013 pola que se determina o período de vixencia dos libros de texto e demais materiais curriculares.

Disposición adicional segunda

No caso de que o número de centros con valoración favorable de proxecto supere o límite establecido no punto sétimo 1.b), a comisión de selección poderá realizar unha proposta superior ao dito límite xustificada na viabilidade dos proxectos e dentro dos límites tecnolóxicos da plataforma que dea soporte á contorna virtual de aprendizaxe.

Santiago de Compostela, 30 de abril de 2015

Manuel Corredoira López
Director xeral de Educación, Formación Profesional e Innovación Educativa





XUNTA DE GALICIA
 CONSELLERÍA DE CULTURA, EDUCACIÓN
 E ORDENACIÓN UNIVERSITARIA

ANEXO I

PROCEDEMENTO CONVOCATORIA PARA A PARTICIPACIÓN NO PROXECTO EDUCACIÓN DIXITAL E-DIXGAL	CÓDIGO DO PROCEDEMENTO ED505B	DOCUMENTO SOLICITUDE
---	---	-------------------------

DATOS DO CENTRO SOLICITANTE

RAZÓN SOCIAL NIF

TIPO DE VÍA NOME DA VÍA NÚMERO BLOQUE ANDAR PORTA

CP PROVINCIA CONCELLO LOCALIDADE

TELÉFONO FAX CORREO ELECTRÓNICO CÓDIGO DO CENTRO

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)

NOME PRIMEIRO APELIDO SEGUNDO APELIDO NIF

EN CALIDADE DE

ENDEREZO PARA EFECTOS DE NOTIFICACIÓN (non é necesario se coincide co anterior)

TIPO DE VÍA NOME DA VÍA NÚMERO BLOQUE ANDAR PORTA

CP PROVINCIA CONCELLO LOCALIDADE

TELÉFONO FAX CORREO ELECTRÓNICO

PERSOA PROPOSTA PARA A COORDINACIÓN DO PROXECTO


NOME PRIMEIRO APELIDO SEGUNDO APELIDO NIF

ACTIVIDADES IMPARTIDAS

ACTIVIDADES EN QUE PARTICIPOU

ACTIVIDADES QUE COORDINOU

OUTROS PROXECTOS E EXPERIENCIAS

 SEDE ELECTRÓNICA Este formulario tamén pode presentarse electronicamente na sede electrónica da Xunta de Galicia <https://sede.xunta.es>

CVE-DOG: su9txyb3-xvh7-br33-jor1-le6txcf6tvf6



XUNTA DE GALICIA

ISSN1130-9229

Depósito legal C.494-1998

<http://www.xunta.es/diario-oficial-galicia>



ANEXO I
(continuación)

CONSELLO ESCOLAR	
DATA DE REALIZACIÓN	FAVORABLE Á PARTICIPACIÓN NO PROXECTO E-DIXGAL (SI/NON)
<input type="text"/>	<input type="text"/>
INTEGRANTES DO CONSELLO ESCOLAR CON DEREITO A VOTO	INTEGRANTES CON DEREITO A VOTO PRESENTES NA VOTACIÓN
<input type="text"/>	<input type="text"/>
VOTOS FAVORABLES	VOTOS CONTRARIOS
<input type="text"/>	<input type="text"/>
VOTOS EN BRANCO	VOTOS NULOS
<input type="text"/>	<input type="text"/>

CLAUSTRO DE PROFESORES/AS	
DATA DE REALIZACIÓN	FAVORABLE Á PARTICIPACIÓN NO PROXECTO E-DIXGAL (SI/NON)
<input type="text"/>	<input type="text"/>
INTEGRANTES DO CLAUSTRO CON DEREITO A VOTO	INTEGRANTES CON DEREITO A VOTO PRESENTES NA VOTACIÓN
<input type="text"/>	<input type="text"/>
VOTOS FAVORABLES	VOTOS CONTRARIOS
<input type="text"/>	<input type="text"/>
VOTOS EN BRANCO	VOTOS NULOS
<input type="text"/>	<input type="text"/>

A PERSOA REPRESENTANTE DECLARA

- Que todos os datos contidos nesta solicitude e nos documentos que se achegan son certos.
- Que sexa admitida a presente solicitude de participación na selección para o proxecto educativo Educación Dixital E-DIXGAL segundo os termos da Resolución de 30 de abril de 2015.
- Que o consello escolar do centro coñece o contido e características da convocatoria para a participación do centro educativo no proxecto Educación Dixital da Consellería de Cultura, Educación e Ordenación Universitaria da Xunta de Galicia.
- Que o claustro de profesores/as do centro coñece o contido e características da convocatoria para a participación do centro educativo no proxecto Educación Dixital da Consellería de Cultura, Educación e Ordenación Universitaria da Xunta de Galicia.
- Que o proxecto E-DIXGAL se vai implantar nas etapas: Educación primaria ESO
- Que o centro se compromete a utilizar exclusivamente materiais dixitais en todas as áreas e grupos de 5º de EP e/ou 1º de ESO durante o curso 2015/16 e en 6º de EP e/ou 2º de ESO durante o curso 2016/17.

DOCUMENTACIÓN QUE SE PRESENTA

Proxecto.

En cumprimento do disposto no artigo 5 da Lei orgánica 15/1999, do 13 de decembro, de protección de datos de carácter persoal, infórmase de que os datos persoais que facilite neste formulario quedarán rexistrados nun ficheiro de titularidade da Xunta de Galicia, cuxa finalidade é a xestión e rexistro deste procedemento. A persoa interesada poderá exercer os dereitos de acceso, rectificación, cancelación e oposición ante a Secretaría Xeral Técnica, como responsable do ficheiro, solicitándoo mediante o envío dun correo electrónico a soxifp@xunta.es

LEXISLACIÓN APLICABLE
Resolución do 30 de abril de 2015, da Dirección Xeral de Educación, Formación Profesional e Innovación Educativa, pola que se convoca a selección de centros para participar no proxecto Educación Dixital durante o curso 2015/16.

SINATURA DA PERSOA REPRESENTANTE

Lugar e data , de de

